



Suliffigissaaneq pillugu siunnersuisoqatigiit

Det Grønlandske Arbejdsmiljøråd

Ukiumoortumik nalunaarut 2023

Tunuliaqutaa

Kalaallit Nunaanni Sullivimmi avatangiisit pillugit Inatsimmut Beskæftigelsesministeriaqarfiup nalunaarutaa nr. 1048, 26. oktober 2005-imi nalunaarutaa naapertorlugu Kalaallit Nunaanni Suliffigissaaneq pillugu Siunnersuisoqatigiit pilersinneqarput. Kalaallit Nunaanni Suliffigissaasut siunertaraat suliffeqarnermi suleqataasut suliffimmi avatangiisit isumannaannerulernissaat peqqinnarnerulernissaallu anguniarlugu suliniuteqarnermi sunniuteqaqataatinniarnissaat.

Siunnersuisoqatigiit katitigaanerat

Siulittaasoq	Mati Frederiksen - MF
SIK	Else Jonna Lange – EJJ (Ilaasortaq nutaaq)
SIK	Peter Mølgaard - PM
NPK, PK aamma IMAK	Elna Heilmann – EH (Ilaasortaq nutaaq)
AK aamma ASG peqatigiillutik	Lene Knüppel – LE (Ilaasortaq nutaaq)
SSK	Hendrik Esaiassen - HE
GE	Karsten Lyberth Klausen - KLK
Sinn. Kommuninit	Jacob Abelsen – JA (Ilaasortaq nutaaq) (Siulittaasup tullia)
Namminersorlutik Oqartussat, Aningaasaqarneq	Flemming Enequist - FE
Aalajangersimasumik alaatsinaattut	
Sullivinnik Nakkutilliisoqarfik	Casper Kronow - CK

Ukioq pillugu - naatsumik

Suliffigissaasut suliniutaat ukiup aallartinnerani annikissimapput, Suliffigissaasuni ilaasortat sinniisussaallu nutaat toqqarneqartussaammata. Ilaasortat nutaat Siunnersuisoqatigiit katitigaaneranni takuneqarsinnaavoq.

Suliffigissaasuni ilaasortat Nuup avataani najugaqartut ataatsimiinnerni tikillutik peqataasarnikuunngillat timmisartukkut angallannermi kinguaattoornernit taamaatitsiinnarnernillu patsiseqartumik, taamaattumillu attaveqaatit atorlugit ataatsimeeqataasariaqartarsimallutik.

Suliffigissaasut 31. august ataatsimiinnerannut atatillugu suliniutit immikkut makku ingerlanneqarput:

- Suliffigissaasut 31. august ataatsimiinneranni, Suliffissaqartitsiniarnermut ministeri Ane Halsboe-Jørgensen, Kalaallit Nunaannut tikeraarluni Nuuumiinnini iluatsillugu, ullaap tungaani peqataavoq. Siunnersuisoqatigiit pillugit ilisarititsinneqarput aamma nerrivik kaajallallugu ilaasortat ilisaritipput naatsumik suliffinni aggerfimminni suliatik oqaluttuaralugit.
- Allorfimmeersoq Birgit Niclasen suliffeqarfinni aanngajaarniutit pillugit saqqummiussivoq. Oqaluuserineqarpoq Siunnersuisoqatigiit suliassaanut ilaanersoq suliffeqarfinni aanngajaarniutit pillugit politikkeqarnissaq, taamaassimassappat Siunnersuisoqatigiit qinikkanut suliffeqarfinnullu sunniiniartariaqassammata. Allattoqarfiup misissussavaa aanngajaarniutinik politikkeqarnissaq Suliffigissaasut suliassaanut ilaanersoq.
- Ilisimatusarfimmiit Annelise Kappel aamma Syddansk Universitetimiit Søren Voxted, Kalaallit Nunaanni suliffeqarfinni sullivinni avatangiisitigut suliniutit pillugit misissuisoqarsimanera saqqummiuppaat. Anne Lise Kappel-ip neqeroorutigivaa, nammineq imaluunniit ilinniartut arlaat Kalaallit Nunaanni suliffeqarfinnukarlutik, sullivimmi avatangiisitigut suliniuteqartarneq pillugu ataatsimiinnernut saqqummiartortarsinnaallutik, tamanna kissaatigineqassappat.

Nyborg-imi ukiumoortumik Arbejdsmiljøkonference novemberimi ingerlanneqartoq peqataaffigineqarpoq Lene Knüppel-imit aamma Jacob Abelsen-imit. Tamatumunnga atatillugu conference pillugu saqqummiussisoqarpoq peqataasunut pissarsiaqarnarsimalluni ilikkagaqarfiusimallunilu.

Suliffigissaasut 8. november 2023 Danmarkimi Sullivinnik Nakkutilliisoqarfik v/Emilie Sofie Vraagaard paaseqatigalugu immikkut ataatsimiipput piffissami 2024-2026 periusissiorluni pilersaarut pillugu.

Siunnersuisoqatigiit ataatsimiittarneri

Kalaallit Nunaanni Suliffigissaaneq pillugu Siunnersuisoqatigiit suleriaasissaat naapertorlugu ukiumut pingasoriarluni ataatsimiittoqartartussaavoq imaluunniit aamma siulittaasup aalajangiineratigut.

Suliffigissaasut 2023-imi pingasoriarlutik ataatsimiipput ullormillu periusissiorfiusumik ingerlataqarlutik.

- 1. Ataatsimiinneq 23. maj
- 2. Ataatsimiinneq 31. august
- 3. Ataatsimiinneq 7. november
- Suliffigissaasut periusissiorlutik ataatsimiipput - 8. november 2023.

Sammasat nikerartut

- Kommuneqarfik Sermersooq saaffiginnissuteqarsimavoq - “Suliffigissaasut - naqinnernik ilisarinnissinnaanngitsut atortussat, sullivinni avatangiisit pillugit ilinniartitaanermi pissarsiarineqarsinnaanissaat”

- Royal Greenland A/S saaffiginnissimavoq - “Suliffigissaasunut - sulisilluni ajutoornermik nalunaaruteqareersimalluni sulisut oqaatsitigut ajornartorsiuteqartarnerat”
- Nalunaarutit marluk atulersinniarneqarneri pillugit Danmarkimi Sullivinnik Nakkutilliisoqarfimmut saaffiginnissut
- Kalaallit Nunaanni Suliffigissaasunut suliamut tunngatillugu amerlanerusunik aningaasaliisoqarnissaa pillugu Suliffissaqartitsiniarnermut ministerimut aamma Inuussutissarsiornermut Naalakkersuisumut inassuteqaat
- Suliffissaqartitsiniarnermut Naalakkersuisumut Naalakkersuisumullu inassuteqaat inatsisit malillugit sullivimmi avatangiisinut ilinniartitaaneq amerlanerusunik aningaasaliiffigeqqullugu

Inassuteqaatit & tusarniaanerit

Siunnersuisoqatigiit tusarniaanerpaalunnik tigusaqarsimapput akissuteqarfiginnissimallutillu:

- Kalaallit Nunaanni sullivinni avatangiisit pillugit inatsimmut allannguutissatut siunnersuutip malitsigisaanik Kalaallit Nunaannut nalunaarutit tallimat allannguutissaattut siunnersuutit.
 - Kalaallit Nunaanni pinngitsoorani avatangiisit pillugit ilinniartitaaneq pillugu nalunaarut.
 - Kalaallit Nunaanni sanaartorfissanik assigisaattullu suliaqarfiusunik aaqquissuussineq pillugu nalunaarut.
 - Kalaallit Nunaanni teknikkikkut iluaqutissanik atuineq pillugu nalunaarut.
 - Kalaallit Nunaanni Suliffigissaasut ulluinnarni suleriaasissaat pillugu nalunaarut.
 - Kalaallit Nunaanni suliffeqarfinni isumannaallisaanermik peqqinnissamillu suliaqarneq pillugu nalunaarut.
- Sullivimmi avatangiisit pillugit maalaartarfiup suleriaasissaa pillugu nalunaarutissamut siunnersuutip tusarniaassutigineqarnera

Sullivimmi avatangiisit pillugit inatsimmi § 64 naapertorlugu naammagittaalliutinik suliaqarneq

Suliffigissaasut suliarivaat Sullivinnik Nakkutilliisoqarfiup 12. august 2022 kivittaap angallattakkap immikkut ittumik akuersissutigineqarnissaanik itigartitsisimanera pillugu, suliffeqarfiit ilaata naammagittaalliutaa.

Suliffigissaasut isumaqataapput Sullivinnik Nakkutilliisoqarfiup naliliineranut aalajangiineranullu immikkut ittumik akuersissuteqartoqaqqullugu qinnuteqaammut. Innersuussutigineqarpoq Sullivinnik Nakkutilliisoqarfiup nalunaarutaa 12. maj 2015-imeersumi § 5, imm. 1 aamma 2 pineqarlutik teknikkikkut atortulersuutit sulinermi atorneqartut, suliamut tulluuttuullutilluunniit tulluarsarneqarsimassasut, isumannaallisaanermut peqqissuunissamullu tunngasut tamakkiisumik illersorneqarsinnaassallutik.

Suliat allat

Siunnersuisoqatigiit aningaasaqarnerat

Suliffissaaneq pillugu Siunnersuisoqatigiit aningaasaliiffigineqartarput qallunaat aningaasanut inatsisaat aqutigalugu 2023-imilu aningaasaliissutit kr. 300.000,-iusimapput. 2023-imi ukiumut naatsorsuuteqarfigisap naanerani aningaasaliissutinit kr. 177.332-it missaat atorneqarsimapput.

Aningaasaliissutit makkununnga atorneqarsimapput:

- Siunnersuisoqatigiit siulittaasuata ajunngitsorsiassaqaqtitaanera
- Illoqarfiup avataaneersut angalanerannut, akunnittarfimmiinnerannut ullormusiaannullu aningaasartuutit
- Novemberimi periusissiorluni ataatsimiinnermi Qallunaat Nunaanni Suliffigissaasuniit aqutsisussatut tikisinnegartup angalanerannut aningaasartuutit
- Ataatsimiinnermi sutugassat
- Arbejdsmiljøkonference-mi Nyborgimi peqataaneq
- Allaffissornermi aningaasartuutit, gebyr-it kukkunersuisorlu
- Imaqarniliat nutsertinneri aamma sullivimmi avatangiisit pillugit naqitaaqqat
- Allakkanik nassiussineq

Suliffigissaaneq pillugu Siunnersuisoqatigiinnit akuerineqarput, 30. januar 2024.



Mati Frederiksen, siulittaasoq